

**OPTUŽNICA U SLUČAJU "BENELUKS"**

Trojka optužena za sverc eksplozivne naprave

D. TOVILOVIĆ

SARAJEVO - Tužilaštvo BiH podiglo je optužnicu protiv Adisa Ramića, Amara Šljive i Osmana Abdela Salama, državljana Švedske, kojima se na teret stavlja međunarodno krijumčarenje eksplozivne naprave, a koji su uhapšeni u akciji "Beneluks".

U ovom predmetu Tužilaštvo BiH je ostvarilo znatnu međunarodnu saradnju s pravosudnim i policijskim organima Holandije i Švedske.

Kako je rečeno u Tužilaštvu, istragom je utvrđeno da su optuženi, kao pripadnici organizovane grupe koju je osnovao Ramić, učestvovali u nabavljanju i izradi eksplozivne naprave velike razorne moći, s mogućnošću daljinskog aktiviranja, koju su u dogovoru s drugima pokušali prokrijumčariti na područje Švedske, kako bi ona bila iskorištena u švedskom gradu Malme.

"Ramić je u više navrata ostvarivao kontakte s osobom koja se nalazi u zatvoru u Holandiji i još jednom osobom na teritoriji Švedske, s kojima je dogovorio nabavku eksplozivne naprave u BiH, koju je izradio Šljivo, a za koju su platili 2.500 evra", stoji u saopštenju Tužilaštva.

Kako se dalje navodi, na-

pravu je iz BiH za Švedsku trebalo da prokrijumčari Abdel Salam, a koji je otkriven na putu prema graničnom prelazu, gdje je i uhapšen.

Prilikom hapšenja kod njega je na skrivenom mjestu pronađena i eksplozivna naprava.

S obzirom na to da su prilikom pretresa kuće i objekata koje koristi Šljivo pronađeni oružje i streljivo, čija nabavka građanima ni pod kojim uslovima nije dozvoljena, terete ga i za nedozvoljeno držanje oružja ili eksplozivnih materija.

Podsjećamo, akcijom Tuži-

laštva BiH te policijskih i bezbjednosnih agencija BiH, koje su učestvovala u akciji "Beneluks", a u saradnji s kolegama iz Holandije i Švedske, otkriveno je i spriječeno krijumčarenje eksplozivne naprave kojom je moglo biti ubijeno i ranjeno više osoba.

Inače, sva trojica optuženih su uhapšeni 13. marta ove godine i od tada se nalaze u pritvoru.

**EKSPLOZIVNA
NAPRAVA
MOGLA RANITI
I UBITI VIŠE LJUDI**

